



DEMOKRATSKA FRONTA BOSNE I HERCEGOVINE

Web: [www.dfsarajevo.ba](http://www.dfsarajevo.ba)

E-mail: [sekretarijat@fronta.ba](mailto:sekretarijat@fronta.ba)

**PREMIJER VLADE KS**

**VLADA KS**

**MINISTARSTVO ODGOJA I OSNOVNOG OBRAZOVANJA KS**

**KOMISIJA ZA OBRAZOVANJE I NAUKU KS**

**KOMISIJA ZA POLJOPRIVREDU, ŠUMARSTVO, VODOPRIVREDU I PREHRAMBENU INDUSTRIJU KS**

**PREDMET: ZASTUPNIČKA INICIJATIVA - HITNO**

Upućujem inicijativu u ime Aktiva šumarske struke i JU Srednja škola za okoliš i drveni dizajn Sarajevo radi stavljanja van snage Zaključka broj: 02-04-5140-26/24 od 22.02.2024. godine kojim se utvrđuje Plan upisa učenika u prvi razred srednjih škola sa područja Kantona Sarajevo za školsku 2024/2025. kojeg je Vlada Kantona Sarajevo donijela na 13. sjednici održanoj 22.02.2024. godine.

Ovim Zaključkom ukida se još jedan od smjer šumarske struke – tehničar hortikulture, a broj učenika na smjeru ekološki tehničar biva smanjen za 50%. Ovakve nepromišljene aktivnosti mogu imati nemjerljive posljedice.

**Obzirom da smo Grad koji je jedan od najzagađenijih na svijetu i Kanton koji je pokriven šumama i šumskim zemljištima sa preko 65% površine moramo raditi na strategiji ulaganja u ljudske resurse i buduće stručnjake iz oblasti šumarstva, hortikulture i ekologije. Način afirmisanja mladih po pitanju ovih zanimanja treba biti vizija i opredjeljenje resornog ministarstva i Vlade općenito.**

**Obrazloženje:**

JU Srednja škola za okoliš i drveni dizajn jedna je od najstarijih obrazovnih institucija na prostoru čitave Bosne i Hercegovine koja je iznjedrila brojne generacije stručnjaka iz oblasti šumarstva i prerade drveta. U gore pomenutoj školi, učenici su se obrazovali za tzv. zelena zanimanja – šumarske tehničare, tehničare hortikulture, ekološke tehničare, rasadničare i čuvar šuma i lovišta – lugare. Od prošle školske godine, Ministarstvo za odgoj i obrazovanje Kantona Sarajevo počelo je sa **gašenjem određenih smjerova šumarske struke** sa obrazloženjem da su učenici nezainteresovani za istu, što je potpuno neprihvatljiva argumentacija. U školskoj 2022/2023. godini nije u potpunosti realiziran Plan upisa, no školske 2023/2024. godine, nakon kontinuirane promocije škole i šumarskih zanimanja, **broj upisanih učenika na smjerove šumarske struke se značajno povećao**, iako je Ministarstvo već ukinulo dva šumarska smjera. Ovo je dokaz da je stanje na terenu drugačije od onog prezentiranog od strane resornog ministarstva.

Bez obzira na gore navedene činjenice, ponudu Samostalnog sindikata šumarstva, prerade drveta i papira BiH za stipendiranje učenika na smjeru Šumarski tehničar, brojne molbe javnih i privatnih preduzeća prema resornom ministarstvu, a obzirom na njihove kadrovske potrebe, Vlada Kantona Sarajevo je na 13. sjednici održanoj 22.02.2024. godine donijela Zaključak broj: 02-04-5140-26/24 od 22.02.2024. godine kojim se utvrđuje Plan upisa učenika u prvi razred srednjih škola sa područja Kantona Sarajevo za školsku 2024/2025. kojim se ukida još jedan od smjerova šumarske struke – tehničar hortikulture, a broj učenika na smjeru ekološki tehničar biva smanjen za 50% (*Tabela 1*).

**PLAN UPISA**

Školska 2022/2023. godina	Školska 2023/2024. godina	Školska 2024/2025. godina			
Smjer	Broj učenika	Smjer	Broj učenika	Smjer	Broj učenika
Ekološki tehničar	24	Ekološki tehničar	24	Ekološki tehničar	12

<b>Šumarski tehničar</b>	12	Šumarski tehničar	12	Šumarski tehničar	12
<b>Tehničar hortikulture</b>	12	Tehničar hortikulture	12		
<b>Rasadničar</b>	12				
<b>Čuvar šuma i lovišta - lugar</b>	12				
<b>Ukupno</b>	<b>72</b>	<b>Ukupno</b>	<b>48</b>	<b>Ukupno</b>	<b>24</b>

Profesori stručno – teorijske i praktične nastave šumarske grupe predmeta izražavaju protest zbog ove odluke kojom se jedna struka strateški i u kontinuitetu gasi. Neshvatljivo je da se ne prepoznaje značaj ove škole koja u kontinuitetu egzistira 134 godine. Obzirom na težnju naše države ka članstvu u EU, te politike i strategije EU u oblasti zaštite prirode i životne sredine, postavlja se pitanje da li ćemo u budućnosti imati kadar koji će se baviti zelenim zanimanjima i provoditi takve politike.

Republika Srbija gdje je Šumarska škola u Kraljevu proglašena školom od nacionalnog interesa je primjer dobre prakse u susjedstvu , za to vrijeme odgovorni u KS sustavno rade na gašenju iste.

Očekujem da se po ovoj inicijativi očitujete hitno !

U Sarajevu,  
25.03.2024 godine

Marijela Hašimbegović dia  
zastupnica